



«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»

ՊԵՏԱԿԱՆ ՈՋ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

«7» սեպտեմբերի 2015թ.

Հաստատում եմ՝

«Գնումների աջակցման կենտրոն» ՊՈԱԿ-ի
պետի ժամանակավոր պաշտոնակատար

 **Հ. Թունյան**

ԳԲԽ-31/15 բողոքը քննող

հանձնաժողովին

Ե Ջ Ր Ա Կ Ա Ց Ո Ւ Թ Յ Ո Ւ Ն

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով, ինչպես նաև ուսումնասիրելով «ԼՈԿԱՏՈՐ» ՓԲԸ-ի (ՀՎՀՀ 00095651) 20.08.2015թ. «Գնումների աջակցման կենտրոն» ՊՈԱԿ-ին ներկայացրած բողոքը և բողոքն առանց քննության թողնելու մասին 21.08.2015թ. դիմումը՝ պարզել ենք հետևյալը.

1. «ԼՈԿԱՏՈՐ» ՓԲԸ-ի ներկայացրած փաստերը, հիմնավորումները և պահանջը

«Գնումների աջակցման կենտրոն» ՊՈԱԿ-ին 20.08.2015թ. ներկայացրած բողոքով «ԼՈԿԱՏՈՐ» ՓԲԸ-ն (այսուհետ նաև՝ Ընկերություն) հայտնել է, որ ՀՀ Արարատի մարզպետարանի (այսուհետ նաև՝ Պատվիրատու) կողմից ՀՀ կառավարության 2015 թվականի հուլիսի 2-ի N 766-Ն որոշմամբ ՀՀ Արարատի մարզպետարանին հատկացված

միջոցներով իրականացվող ծրագրերի հակակարկտային կայանների ձեռքբերման նպատակով կազմակերպվել է «ՀՀԱՄ-ԲԸԱՀ-ԱՊԶԲ 15/06» ծածկագրով առանց գնումների հայտարարությունը նախապես հրապարակելու գնման ընթացակարգ (այսուհետ նաև՝ Ընթացակարգ), որին մասնակցելու նպատակով հայտ են ներկայացրել «ԼՈԿԱՏՈՐ» ՓԲԸ-ն և «Բարվա» ՍՊԸ-ն:

«ԼՈԿԱՏՈՐ» ՓԲԸ-ն հայտով առաջարկել է գին՝ 87000000 ՀՀ դրամ, իսկ «Բարվա» ՍՊԸ-ի կողմից հայտով առաջարկված գինը եղել է՝ 85000000 ՀՀ դրամ:

Ընթացակարգի գնահատող հանձնաժողովի 17.08.2015թ. կայացված նիստի թիվ 2 արձանագրության համաձայն՝ Ընթացակարգի 1-ին տեղն զբաղեցրած մասնակից է ճանաչվել «Բարվա» ՍՊԸ-ն:

Այնուհետև, Ընթացակարգի գնահատող հանձնաժողովի 18.08.2015թ. տեղի ունեցած նիստի թիվ 3 արձանագրության համաձայն՝ Ընթացակարգի որպես ընտրված մասնակից է ճանաչվել «Բարվա» ՍՊԸ-ն:

«ԼՈԿԱՏՈՐ» ՓԲԸ-ն նշել է, որ բողոքի քննության համար էական նշանակություն ունեն հետևյալ փաստերը.

Փաստ 1. Հրավերի տեխնիկական բնութագրով պահանջվել է, որ հակակարկտային կայանի ամենաբարձր կետից ոչ ավել, քան 1,5մ. հեռավորության վրա պետք է տեղադրվի շանթարգել, որը պետք է ունենա կայանի ամենաբարձր կետից 1,2 անգամ ավելի բարձրություն և չպետք է ունենա ոչ մի միացում կայանի հետ, այնինչ հաղթող ընկերության ներկայացրած առաջարկում (կայանի տեխնիկական պայմանում), շանթարգելը տեղադրված է անմիջապես կայանի վրա և միացված է կայանին:


Փաստ 2. Հրավերի տեխնիկական բնութագրով պահանջվել է, որ հարվածային ալիքի գեներատորը և կայանի մնացած մասերը պետք է տեղադրվեն իրարից առնվազն 2 մետր հեռավորությամբ առանձին բետոնե սալիկների վրա, սակայն «Բարվա» ՍՊԸ-ի կողմից ներկայացված «Տեխնիկական պայմաններում» ակնհատ երևում է, որ նշված պահանջն ապահովված չէ: «Բարվա» ՍՊԸ-ի կողմից առաջարկվող Ձեռնիք տիպի հակակարկտային կայանների բոլոր մասերը գտնվում են կամարածև մետաղական շինության ներսում, որի չափսերն են՝ երկարությունը 2200մմ., լայնությունը 1600մմ.:

Կայանի մաս են կազմում թվով 6, 20 կգ. տարողությամբ գազի գլանանոթներ, հարվածային ալիքի գեներատոր (Ջենիթի դեպքում՝ ռեակտոր), ղեկավարման հանգույց (վահանակ) և այլն:

Գազի գլանանոթների տրամագիծը (լայնքը) կազմում է 300մմ.: Դրանք դասավորված են մետաղական շինության երկայնքով՝ երկու շարքով: Մեկ շարքով դասավորված երեք գլանանոթները զբաղեցնում են մոտ 1000մմ. երկարությամբ տարածք: Հարվածային ալիքի գեներատորի (ռեակտորի) պայթյունի խցիկն ունի 500մմ. տրամագիծ, իսկ ոտքերի հետ միասին զբաղեցնում է մոտ 900մմ. երկարությամբ տարածք և մոտակա պատից գտնվում է մոտ 100մմ. հեռավորության վրա:

Ընկերությունը նշել է, որ եթե կամարաձև մետաղական շինության երկարությունից հանվի գլանանոթների և հարվածային ալիքի գեներատորի (ռեակտորի) զբաղեցրած տարածքների երկարությունները և ռեակտորի հեռավորությունը մոտակա պատից, ապա կստանանք՝

$$2800 - 1000 - 900 - 100 = 650 \text{ mm} (0.65 \text{ m}):$$



Այսինքն, Ձեռնիթ տիպի հակակարկտային կայանի դեպքում հարվածային ալիքի գեներատորի (ռեակտորի) և կայանի մնացած մասերի միջև հեռավորությունը լավագույն դեպքում կարող է կազմել 0,65մ՝ 2մ-ի փոխարեն:

Փաստ 3. «Բարվա» ՍՊԸ-ն հաղթող է ճանաչվել, չնայած նրան, որ իր կողմից առաջարկված ապրանքը չի համապատասխանել Պատվիրատուի կողմից ձեռք բերվող ապրանքի նկարագրին, պայմաններին և հատկանիշներին:

Ըստ Ընկերության՝ Ընթացակարգի գնահատող հանձնաժողովի կողմից 17.08.2015թ. տեղի ունեցած նիստի N 1 արձանագրությամբ կայացվել է որոշում ՀՀ գնումների մասին օրենսդրության պահանջների խախտմամբ:

«Գնումների մասին» ՀՀ օրենքի (այսուհետ՝ Օրենք) 6-րդ հոդվածի 1-ին մասի՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ընկերությունը հայտնել է, որ հավասարության սկզբունքից ելնելով՝ ցանկացած անձ, ով հայտ է ներկայացնում պետական գնման գործընթացին մասնակցելու, Պատվիրատուի գործողություններից պետք է վստահ լինի, որ բոլոր մասնակիցները հավասար են և Ընթացակարգի հաղթող կարող է ճանաչվել միայն այն մասնակիցը, ում հայտը բավարարում է ՀՀ գնումների մասին օրենսդրության պահանջներին:

Օրենքի 12-րդ հոդվածի 1-ին մասի համաձայն՝ գնման առարկայի բնութագրերը պետք է ամբողջությամբ և հստակ նկարագրեն ձեռքբերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով այլընտրանքային մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

Ինչպես նշվել է **Փաստ 1-ում**՝ գնման առարկայի բնութագրում նշվել է, որ հակակարկտային կայանի ամենաբարձր կետից ոչ ավել, քան 1,5մ. հեռավորության վրա պետք է տեղադրվի շանթարգել, որը պետք է ունենա կայանի ամենաբարձր կետից 1,2 անգամ ավելի բարձրություն և չպետք է ունենա ոչ մի միացում կայանի հետ, որը հանձնաժողովը հաշվի չի առել և, ըստ էության, Ընթացակարգի հաղթող է ճանաչել այն ընկերությանը, որի կողմից առաջարկված ապրանքը չի համապատասխանել Պատվիրատուի կողմից ձեռք բերվող ապրանքի նկարագրին, պայմաններին և

հատկանիշներին, ինչը, ըստ Ընկերության, հակասում է Օրենքի 12-րդ հոդվածի 1-ի մասի պահանջներին:

Միևնույն ժամանակ, Ընկերությունը նշել է, որ առկա է նաև Օրենքի 31-րդ հոդվածի 1-ին մասի խախտում, համաձայն որի՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Ըստ Ընկերության՝ «Բարվա» ՍՊԸ-ի կողմից ներկայացված ապրանքի տեխնիկական պայմանները և Պատվիրատուի կողմից պահանջվող ապրանքը՝ հրավերով նախատեսված պայմաններին համապատասխան, էականորեն տարբեր են, քանի որ հրավերով պատվիրատուն պահանջել է, որ հակակարկտային կայանի ամենաբարձր կետից ոչ ավել, քան 1,5մ. հեռավորության վրա պետք է տեղադրվի շանթարգել, որը պետք է ունենա կայանի ամենաբարձր կետից 1,2 անգամ ավելի բարձրություն և չպետք է ունենա ոչ մի միացում կայանի հետ (Փաստ 1):

Հրավերի տեխնիկական բնութագրով պահանջվել է, որ հարվածային ալիքի գեներատորը և կայանի մնացած մասերը պետք է տեղադրվեն իրարից առնվազն 2 մետր հեռավորությամբ առանձին բետոնե սալիկների վրա, սակայն «Բարվա» ՍՊԸ-ի կողմից ներկայացրած տեխնիկական պայմաններում ակնհատ երևում է, որ նշված պահանջն ապահովված չէ: «Բարվա» ՍՊԸ-ի կողմից առաջարկվող Ջենիթ տիպի հակակարկտային կայանների բոլոր մասերը գտնվում են կամարածև մետաղական շինության ներսում, որի չափսերն են՝ երկարությունը 2800մմ., լայնությունը 1800մմ.:

Կայանի մաս են կազմում թվով 6, 20 կգ. տարողությամբ գազի գլանանոթներ, հարվածային ալիքի գեներատոր (Ջենիթի դեպքում՝ ռեակտոր), ղեկավարման հանգույց (վահանակ) և այլն:

Գազի գլանանոթների տրամագիծը (լայնքը) կազմում է 300մմ.: Դրանք դասավորված են մետաղական շինության երկայնքով՝ երկու շարքով: Մեկ շարքով դասավորված երեք գլանանոթները զբաղեցնում են մոտ 1000մմ. երկարությամբ տարածք: Հարվածային ալիքի գեներատորի (ռեակտորի) պայթյունի խցիկն ունի 500մմ. տրամագիծ, իսկ ոտքերի հետ միասին զբաղեցնում է մոտ 900մմ. երկարությամբ տարածք և մոտակա պատից գտնվում է մոտ 250մմ. հեռավորության վրա:

Այսինքն, «Ձենիթ» տիպի հակակարկտային կայանի դեպքում հարվածային ալիքի գեներատորի (ռեակտորի) և կայանի մնացած մասերի միջև հեռավորությունը լավագույն դեպքում կարող է կազմել 0,65մ՝ 2մ-ի փոխարեն (Փաստ 2), սակայն, «Բարվա» ՍՊԸ-ի կողմից ներկայացված տեխնիկական պայմանները չեն բավարարել Պատվիրատուի պահանջներին, ինչը հանգեցրել է նաև Օրենքի 31-րդ հոդվածի 1-ին մասի խախտմանը:

Հետևաբար, նման պայմաններում, Ընթացակարգի գնահատող հանձնաժողովը, հիմք ընդունելով Օրենքի 31-րդ հոդվածի 1-ին մասի պահանջը, պետք է «Բարվա» ՍՊԸ-ի հայտը գնահատեր անբավարար և Ընթացակարգի հաղթող մասնակից ճանաչեր Ընկերությանը, քանի որ ի տարբերություն «Բարվա» ՍՊԸ-ի, «ԼՈԿԱՏՈՐ» ՓԲԸ-ի կողմից ներկայացված կայանի տեխնիկական պայմաններն ամբողջությամբ համապատասխանում են Պատվիրատուի կողմից հրավերով հայտարարված կայանի պահանջներին:

Ելնելով վերոգրյալից և հիմք ընդունելով «Գնումների մասին» ՀՀ օրենքի 45-րդ, 48-րդ և 49-րդ հոդվածներն՝ Ընկերությունը խնդրել է դադարեցնել «ՀՀԱՄ-ԲԸԱՀ-ԱՊՁԲ 15/06» ծածկագրով առանց գնումների հայտարարությունը նախապես հրապարակելու գնման ընթացակարգի գնահատող հանձնաժողովի 18.08.2015թ. տեղի ունեցած նիստի N 3 արձանագրությամբ կայացրած որոշումը, իսկ պայմանագիրը կնքված լինելու դեպքում, պայմանագիրը հայտարարել չեղյալ, ինչպես նաև որպես միջանկյալ ընթացակարգ՝ կիրառել ժամանակավոր միջոց՝ այն է կասեցնել պայմանագրի կնքումը՝ մինչև խորհրդի կողմից վերջնական որոշում կայացնելը:

«ԼՈԿԱՏՈՐ» ՓԲԸ-ն 21.08.2015թ. ներկայացրած դիմումով խնդրել է «Գնումների աջակցման կենտրոն» ՊՈԱԿ-ին 20.08.2015թ. ներկայացրած բողոքը՝ «ՀՀԱՄ-ԲԸԱՀ-ԱՊՁԲ 15/06» ծածկագրով առանց գնումների հայտարարությունը նախապես հրապարակելու գնման ընթացակարգի գնահատող հանձնաժողովի 18.08.2015թ. ժամը 16:00-ին տեղի ունեցած նիստի N 3 արձանագրությամբ կայացրած որոշումը դադարեցնելու, իսկ պայմանագիրը կնքված լինելու դեպքում, պայմանագիրը չեղյալ հայտարարելու, ինչպես նաև մինչև խորհրդի կողմից վերջնական որոշում կայացնելը որպես միջանկյալ ընթացակարգ՝ ժամանակավոր միջոց կիրառելու՝ այն է պայմանագրի կնքումը կասեցնելու պահանջների մասին **բողոքը թողնել առանց քննության:**

2. ԳԲԽ-31/15 բողոքը քննող հանձնաժողովին «Գնումների աջակցման կենտրոն»

ՊՈԱԿ-ի կողմից ներկայացվող հիմնավորումները և եզրահանգումը

«Գնումների աջակցման կենտրոն» պետական ոչ առևտրային կազմակերպությունը, ուսումնասիրելով «ԼՈԿԱՏՈՐ» ՓԲԸ-ի 21.08.2015թ. ներկայացրած դիմումը, ինչպես նաև հաշվի առնելով այն հանգամանքը, որ ԳԲԽ-32/15 բողոքը քննող հանձնաժողովի կողմից քննվում է նույն ընթացակարգի վերաբերյալ «ԼՈԿԱՏՈՐ» ՓԲԸ-ի կողմից 20.08.2015թ. ներկայացված բողոքում նշված նույն առերևույթ խախտումների հիմքով «ԼՈԿԱՏՈՐ» ՓԲԸ-ի 21.08.2015թ. ներկայացրած բողոքը, առաջարկում է «ՀՀԱՄ-ԲԸԱՀ-ԱՊՁԲ 15/06» ծածկագրով առանց գնումների հայտարարությունը նախապես հրապարակելու գնման ընթացակարգի գնահատող հանձնաժողովի 18.08.2015թ. ժամը 16:00-ին տեղի ունեցած նիստի N 3 արձանագրությամբ կայացրած որոշումը դադարեցնելու, իսկ պայմանագիրը կնքված լինելու դեպքում, պայմանագիրը չեղյալ հայտարարելու, ինչպես նաև մինչև ՀՀ գնումների բողոքարկման խորհրդի կողմից վերջնական որոշում կայացնելը որպես միջանկյալ ընթացակարգ՝ ժամանակավոր միջոց կիրառելու, այն է պայմանագրի կնքումը կասեցնելու պահանջների մասին «ԼՈԿԱՏՈՐ» ՓԲԸ-ի 20.08.2015թ. ներկայացրած բողոքը թողնել առանց քննության:

«Գնումների աջակցման կենտրոն» ՊՈԱԿ-ի

Պետի տեղակալ՝



Հ. Այունց

Գնումների աջակցման և իրավական
խորհրդատվության վարչության պետ՝



Հ. Ենգոյան

Գնումների բողոքարկման և ահազանգման
բաժնի վարիչի ժ/պ



Ռ. Մկրտչյան

Գնումների բողոքարկման և
ահազանգման բաժնի առաջատար
մասնագետ՝ ԳԲԽ-31/15 բողոքը
քննող հանձնաժողովի քարտուղար՝



Ա. Գրիգորյան